

صرخه

يا صرخه جوايا مخروسة
يامشاعرى . الأمي . محسوسة
إزاي أهرب من نفسي
والابتسامة عليه مدسوسة
يا صوره أدامي مشروخة
معقول ياهمومي ده شكلي
ولا يامرأيتي الصورة معكوسة
حاسس بروحي منزوعة
ومن جويا خارجة مفزوعة
طب لمين ولا لمين أحكى
وحقوقي . يا ضايعة . يامنقوسة
فقلت . لنفسى يوم أشكى
لكن لقيتها مجروحة وبتبكي
وبرغم جراحها وأوجعها
قالتلى نصيحة . وإسمعها
حاول ليا أنا تفضفض

فمناهج الهم عليا مدروسة
وبيني وبينك ياريت تصرخ
محدث هايسمعك غيري
ماأنا منك وإنت ف تفكيري
حتى لو صرختك . فيا
راح تُشرخ . أُصرخ
ومتسبش صرختك جوايا محبوسة